

La doturia Grete Mahlknecht é demez dai 16 de jügn ai 03 de messé por ferias y vëgn sostituida dal dotur Eduard Agreiter 0474 523 315 / 333 13 80 852.

COMUN: En **domënia ai 12 de jügn vëgnel tigní n referendum sura la plaza di fligri a Balsan**. Chi che á la cherta da lité timbrada 18 iadi (ciaré ia dedò tla lerch por zertifiché la litaziun) o che s'l'á pordüda dess se se presenté te comun (ofize anagrafich) en chëst' edema a s'un lascé fá na nöia y dé jö la cherta vedla.

Racoiüda dl **refodam da tosser a S. Martin** lönesc 06 de jügn dales 10.00-11.00

PLOANIES SAN MARTIN Y LUNGIARÜ

Le vësko Ivo Muser y siur Tone Fiung inviëia düc ala presentaziun cun discusciun sura le scrit dl Papa „**Amoris laetitia (la ligrëza dl amur)**“ en jöbia, ai 9 de jügn, a Porsenú tl'Academia Cusanus dales 19.00 ales 22.00, cun renfrësch dedò.

Le Sorvise ai Jogn inviëia en dedemesaledema ai 08 de jügn dales 19.30 tl zënter jonëza y cultura SaJ a La Ila a n **referat sura le iade de solidarité tla Bolivia** cun les döes jones dla Val Badia, Sara Ploner y Sofia Ferdigg

Marcia francescana dala Val Rieti a Assisi: dai 25 de messé ai 04 d'agost vá jogn y jones a pe cina Assisi a festejé adöm la festa dl pordonn (Portiuncola). N grup de ca. 30-40 porsones da Südtirol y dl' Austria pëia ince ia da Balsan. An vá 6 dis a pe por ca. 5-6 ores al de y al vëgn dormí te scores, convënc y alaleria, Le cost é de 295 euro. Jogn y jones dai 16 ai 40 agn é dër bel invia da fá chësta esperiënza! Info www.laverna.at o: stefan.kitzmueller@franziskaner.at

SAN MARTIN

Deache la mëssa dla festa dl Cör de Gejü é bele dales 8.00, tignunse la **ora d'adoraziun da sëra dales 19.00 ales 20.00** a chëra che düc é invia.

I orun reconësce incö pro la gran mëssa le **sorvisc da mone de Rita Rubatscher** Verginer y do mëssa é düc bel invia ia tl salf di stödafüch. **Por le buffet vëgnel perié la jënt da porté val' da mangé** y da le dé jö dan mëssa tl salf di stödafüch.

LUNGIARÜ

I Jogn da Lungiarü inviëia indô da sëra ala festa di füc Cör de Geju ia tl plan dla segra; i metarun man dales 19.00. Al sará ince la poscibilité da cené.

Düc é bel invia, ince chi da San Martin, al **referat che siur Degan** ch'al tignará a Lungiarü en mercui, ai 08 de jügn, dales 20.00 tl salf dla scora a Lungiarü.

Prëibel do le **contribut por la ploania** de 20 euro por porsona, tuc fora i studënc, che vëgn trat ite les domënies ai 5 y ai 12 de jügn do mëssa te colonia.

La Scora de Musiga inviëia düc dër bel al **concert de contlujun a Al Plan** en lönesc ai **06 de jügn** dales **18.00** tl salf dles manifestaziuns.

La Uniun dles Patrones dl Comun da San Martin y la Uniun di Pairs organisëia **por dötes les families dles patrones y di pairs na griliada ite** dal lech a Lungiarü en domënia, ai 12 de jügn. I fajarun na buna marëna (griliada) a païamënt a prisc basc y i starun valgönes ores en buna compagnia. Sc'al ess da ester bur tëmp ne gnará la griliada nia fata. Pur les prenotaziuns telefonede a Sara 340 29 66 126 o a Lucia 338 99 18 326 cina ai 09 de jügn. I ves aspetun tröc.

La Uniun dl Sport da Lungiarü organisëia le **Tornê de Calchetto dles Uniuns dl Comun da San Martin** en domënia ai 12 de jügn tl ciamp dl sport da Lungiarü. Le tornê metará man dales 10.00 y al sará ince la poscibilité da marné.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

05.06. - 12.06.16 nr. 28

termo da publiché: jöbia 20.00
radio: 90,40 / 93,70

FESTA DL CÖR DE GEJÜ - C

Vangele do San Lüca 15.3-7

Gejü ti â cunté ai farisës y ai studiä dla lege na parabola y à dît:
Sce un de os à cënt bisces y nen perd öna, ne lâscel nia les nonantenü tla stëpa y ti va do ala pordüda cina ch'al la ciafa? Y canch'al l'â ciafada, la tôlel plëgn de ligrëza sön sües sciabes, y canch'al röia a cïasa, chërdel adöm sù amisc y sù vijins y ti dij: Ralegrësse cun mè; i à indô ciafë mia biscia che ê pordüda. I ves diji: Insciö regnral ince tl cil deplü ligrëza por un n picïadù su che dà ota, co por nonantenü iüsc, che n'â nia debojëgn de dè ota.

Gejü ó che le farisé y le studié dla lege, y cun ëi ince nos, s'intenunse y ch'i ponsunse sura. I farisës y i studiä dla lege stlujô pô fora y arbandonâ i picïadus, y ai ne ti foss mai jüs do a na biscia sora, mo foss restá pro les nonantenü. Cun chësta parabola ó Gejü nes dí: Sce te te sintes arbandoné y desperé desseste savëi, che por Chël Bel Dî veleste deplü co les atres nonantenü.

La Festa dl Cör de Gejü é l'invit de Chël Bel Dî, da jí da d'ël y da ester dër daimpró da d'ël, ch'al sciafies da ester te nüsc cörs. Y tl medemo tëmp é chësta festa l'impormetüda de Chël Bel Dî ch'i ti stun dër a cör.



	SAN MARTIN		LUNGIARÜ
05.06.16 FESTA DL CÖR DE GEJÚ	8.00 Mëssa solëna dla comunité onoranzas ala Rita por 30 agn de sorvisc da monia un n vangele te dlijia cun benedisciun eucaristica <i>dedô é düc inviá tl salf di stödafüch a stè adöm</i> 19.00–20.00 Adoraziun al Cör de Gejú	05.06.16 Domënia	9.30 Mëssa solëna dla comunité cun prozesciun eucaristica 15.00 Corona tla capela da Seres
06.06.16 Lönesc <i>Norbert, Bertrand</i>		06.06.16 Lönesc	
07.06.16 Dedolönesc <i>Robert, Amadio</i>	15.00 Mëssa sö Ju ++ dl Cir fam. Alfred Ploner de rengraziamënt + Stina Conrater	07.06.16 Mertesc	
08.06.16 Dedemesaledema <i>Medard, Helga</i>		08.06.16 Mercui	7.30 Mëssa +++ Pire, Gabriel y Linda Clara, Mair ++ Mariangel y Iudita Clara ++ Agostin y Maria Daporta 9.00 Comuniun ai amará 20.00 Referat de siur degan Iaco Willeit sura la Sinoda
09.06.16 Jöbia <i>Efrem, Colomba, Grazia</i>	7.30 Mëssa di scholars + Linda Mühlmann + Anna Vantsch Rainer + Paul Ferdigg Corona por vocaziuns Vijita ales families: Gran Ega 2 – 18 Picolin defora 23 - 36	09.06.16 Jöbia	
10.06.16 Vëndres <i>Heinrich da Balsan, Diana</i>	18.30 Adoraziun chita 19.00 Adoraziun al Cör de Gejú	10.06.16 Vëndres	7.30 Mëssa dl ann + Giovanni Campeï, Mirbun ++ Matia y Monica Clara
11.06.16 Sabeda <i>Barnaba, Paula</i>	14.00 Noza de Matteo Flöss y Verena Unterweger 15.30 Mëssa tla Ciasa de Palsa 18.30 Mëssa prefestia dl ann + Rosalia Ploner y Richard y Brigitte di Palma ++ Pedevilla, Ju	11.06.16 Sabeda	20.00 Mëssa prefestia ++ Maria Greif + Paul Mischi y ++ familiars
12.06.16 11ª DOMËNIA – ANN C	9.00 Corona 9.30 Gran Mëssa dla comunité 13.30 Prozesciun sö La Crusc ex voto dala Cialciara 19.30 Corona al Cör de Gejú sö Ju	12.06.16 Domënia	7.55 Corona 8.15 Gran Mëssa dla comunité 15.00 Corona tla capela da Seres